

Busk, Busk Bonnie Lassie

Fain I wid gang wi ye
For yer aye on my mind
It was never mine intention
For to leave ye behind

*Busk, busk bonnie lassie
Aye, and come awa wi me
An I'll tak ye tae Glen Isla
Near Bonnie Glenshee*

Fain I wid gang wi ye
But wi ye I durna go
Fain I wid gang wi ye
For I love ye so
Busk, busk bonnie lassie...

An dae ye see yon high hills
A covered o'er wi snaw
They hiv pairted mony's a true love
An they'll soon pairt us twa
Busk, busk bonnie lassie...

An dae ye see yon shepherds
As they walk alang
Wi their plaidies wrapped aroon them
An their sheep folly on
Busk, busk bonnie lassie...

An dae ye see yon sodgers
As they mairch alang
We their guns in gweed order
An their broad swords hingin doon
Busk, busk bonnie lassie...

An dae ye see yon high hills
A covered o'er wi snaw
They hiv pairted mony's a true love
An they'll soon pairt us twa
Busk, busk bonnie lassie...

Dance Song

Fit is yer name, ma bonny wee lass?
Fit is yer name ma dearie?
Fit is yer name, ma bonny wee lass?
Ma name it is.....

Dance chorus
Diddley dee di dye dee dee
Diddley dee dee dye dee
Diddley dee di dye dee dee
Diddley dee dee dye dee

Oh far are ye gang, ma bonny wee
lass?
Far are ye gang ma dearie?
Far are ye gang, ma bonny wee lass?
A message tae ma mammy
Diddley dee di dye dee dee...

Oh fit is yer age ma bonny wee lass?
Fit is yer age ma dearie?
Fit is yer age ma bonny wee lass?
My age it is.....
Diddley dee di dye dee dee...

Will ye walk wi me, ma bonny wee
lass?
Will ye walk wi me ma dearie?
Will ye walk wi me, ma bonny wee
lass?
I'll better ask ma mammy
Diddley dee di dye dee dee...